

ҚҰРМЕТТІ БЕЙБІТКҰЛ СӘРСЕМХАНҚЫЗЫ!

Сіздің ұжымыңызды Қорқыт ата атындағы Қызылорда университетінің биылғы 85 жылдық мерейтоймен өзімнің және Ә.Марғұлан атындағы Павлодар педагогикалық университеті ұжымының атынан шын жүректен құттықтаймын! Ұжымға шығармашылық табыс, еңбектеріңізге жеміс тілейміз.

Білім мен ғылымның ордасына, тәлім мен тәрбиенің алтын бесігіне айналған киелі қара шаңырақ – Қорқыт ата университеті талай түлектің белін буып, қанатын қатайтты. Осы оқу орынның ұстаздарынан тәлім алған талай білікті маман халыққа адал еңбек етіп, еліміздің әлеуметтік-экономикалық дамуына барынша үлес қосуда. Бүгінгі күнге дейін жүздеген мың кәсіби білікті маман даярлап, қолдарына диплом берді. Міне, олар да еліміздің әр түкпірінде жемісті еңбек етіп, Тәуелсіз қазақ елінің көркеюіне өз үлестерін қосуда.

Қорқыт ата атындағы Қызылорда университеті еліміздегі ең алдыңғы қатардағы және рейтингі жоғары оқу орындарының бірі. Осы жылдар ішінде ғылым мен білімнің көкжиегін кеңейтіп, еліміздің тарихы мен мәдениетіне қатысты талай тың зерттеулерді жүзеге асырды. Сіздердің университеттеріңіз Әлкей Марғұлан атындағы Павлодар педагогикалық университетімен тығыз байланыста жұмыс істеп келеді. Осы әріптестік қарым-қатынасымыз алдағы уақытта бұдан да жоғары деңгейге көтеріледі деп сенемін.

Ендеше, университет ұжымын биылғы 85 жылдық мерейтойымен шын жүректен құттықтай отырып, профессорлық-оқытушылық құрамның еңбегіне жеміс, шығармашылық сәттілік, академиялық жетістіктер тілейміз.

Абыройларыңыз әрқашан биік болсын!

 **Жанбол Жилбаев,**
Әлкей Марғұлан атындағы
Павлодар педагогикалық университетінің
басқарма төрағасы-ректор